


Podgurski Samuelis Joannis: Tributum gratitudinis.

PANEG. et VITAE
Polon. Fol.
№ 945.



TRIBUTUM
GRATITUDINIS,
MAGNIFICO PERILLVSTRI.



RNDISSIMO DOMINO.
D. M. SEBASTIANO
PISKORSKI,

V. J. DOCTORI, & PROFESSORI, COLLEGÆ DD.
JURISPERITORUM, ECCLESIARUM, CATHEDRALIS CRA-
COVIEN: & COLLEGIATARUM VIELUNEN: CANONICO,
SANCTORUM OMNIUM ARCHIDIAcono, SCHOLARUM
NOVODVORSCIANARUM PROVISORI, ALMÆ VNIVER-
SITATIS CRAC: PROCANCELLARIO DIGNISSIMO

EIVSDEMQUE VIGILANTISSIMO

RECTORI,

IN FESTO SVI TVTELARIS,

Pro Amplissimis Beneficijs,

^A
M. SAMUELE JOANNE PODGURSKI,

Philosophia Doctore & Professore, Collega Minore,

Sacrâ Authoritate Apostolica Notario Publico,

Vigore Clientalis obligationis,

OBLATVM.

Anno conscripti per legem gratiæ, Orbis,

1695. Die 20. Januarij.

CRACOVIAE, TYPIS VNIVERSITATIS.



..... Vexere superba
 Pompeium Mariumq, rota, fremituq, secundo
 Excepere suos, olim Capitolia Paulos,
 Scipiadasq, duos. illis post classica Mavors
 Tempora murali fertur vinxisse corona:
 Serta triumphantes alijs. plaudente Senatu,
 Cinxerunt rostrata rates: hunc quercus honor.
 Illi vile tulit gramen, fragransq, capillis
 Myrtus, & in levibus fulsit Victoria ramis.
 Nec palmae fuit amplius honos, quae sitaq, Graecis
 Gloria, cum rapidis tremere sub curribus Elis,
 Argolicosq, Duces tenui vestiret oliva.
 At, quae Palladium maneat insignia Gentem?
 Quos Studijs fortuna Deos, quae Sceptra Camoenis
 Conciliet?
 Ecce renascentes Regum clementia Musas,
 Erigit, & multo RECTOR sublimis in Ostro,
 Ad sua signa jubet spretas reviviscere lauros,
 Clarasq, Pegaseis, donat suffragia curis.

Gaspar Barlaeus, Lib. 1. Heroic.

21.955 III



TRIBUTUM GRATITVDINIS.

INter continuas Victrix, nova dona triumphos.
Inclyta Roma tuht, claris celebranda trophæis,
Vrbs Augusta suis conscripsit juribus Orbem.
Convenère simul gentes, populiq; potentes
Obsequium Dominæ multis fecère tributis.
Iam Numidæ, Mauri, Cihces, Arabesq; remoti,
Iam Lydi, Sardi, Lyci, Tyrijq;, Natoli,
Messani, Græci, Locrenses, Mesopotami
Ægypti, Persæ, Eubæi, fortesq; Numanti,
Hyrcani, Cypri, Cretenses, vltima Thule
Quos tenet atq; suis vastus complectitur ortus,
Occasusq; locis Phœbi; quicunque sub Arcto,
Ducunt vitales auras; quoscunque sereno
Aspicit in cæli prælucens vertice Titan,
Omnes Augusto census pretiumque tulère.
Sed cur Romano mundus conferre Monarchæ,
Munera tanta lubens voluit? numerosa Tributa,
Cur tulit in celsas Octavi Principis arces?
Promeruit Cæsar tantos ex orbe favores,
Imperio Superùm simili, qui cuncta gubernans.
Non sibi Magnanimus, sed toti vixerat Orbi:
Cælitus oblati Princeps, pius atque benignus,
Imperij tantum sœvit curare salutem:
Nam Regem Patremq; gerens, huc omnia summi
Arbitrij prudens traxit molimina; nec non
Solicitis semper volvebat, talia curis,
Publica Romulæ, constans vt gloria gentis
Perpetuò fieret, splenderet Roma triumphis
Pluribus, & Latium nunquam miserabile fatum
Civibus in proprijs vt conspexisse valeret.
Principis has tanti curas, hoc pectus anhelum
In Te nunc video, veneror, colo, Maxime RECTOR.

A2

Nam



Nam si Roma potens, tanto sub Principe, gentes
Imperio placido retinens, hinc mille trophæa
Erexit, palmas tribuit subiectus & Orbis
Augusto, Dominum Patriæ, Patremq; gerenti:
Et Tibi, qui placidè moderaris, Palladis orbem
RECTOR MAGNIFICVS, gestas Augusta Lycæi
Sceptra Iagellonij, populi summusq; Togati
Inclyta continuas faustè moderamina Princeps,
Augustale sacrum surgat, virtute Magistrâ,
Palladis ingenio, censu, dulciq; labore.
Pro meritis summis, sumas de pectore grato,
Iam pridem collecta Tibi, numeresq; Tributa.
Et quidni teneat cordis tibi solvere census?
Qui mihi regali censeris munere fungi.
Nam Sapiens Rex est animorum, fascibus orbis,
Imperijq; throno dignissimus. Omnis in illo
Purpura, Maiestas, Splendor, Sapiencia, Virtus,
Cæsare non vno major supereminet vna,
Omnibus Augustis. Octavia, Iulia cedant,
Et vicina polo, magni fastigia Nervæ:
Inclinata tholos submittant hic, vbi latè
Vir Sapiens regnat, cælo visendus & orbi.
Felix Imperium felicia Regna putanda,
Est vbi Rex sapiens, qui se populumq; gubernat.
Quid regnare iuuat; tellus quid Mexica prodest?
Quid solij splendor, sceptrum, diademata, fasces,
Gloria? quid clausi Caveâ ductiq; Tyranni,
Si quis Rex animo non est si ducitur ipse,
Quo se vel rabies, animi, vel raptât Erynnis,
Rex est, qui proprijs affectibus imperat ipse,
Qui sapit, atq; prius novit se, qui popularis
Auræ non cupidus; qui se ratione gubernat,
Non metuit, non prava cupit, virtutis amator
Iustitiæ cultor, rigidus exactor honesti,
Sic sapere est regnare, thronos, Capitolia, cellas,
Cum Iove Tarpeias cum Cæsare vota mereri

hicq.

Sicq; dabunt vltro populi numerosa Tributa.
 Talibus ô quantum præfulges optime RECTOR
 Dotibus, ad numeros nequaquam exasse vocandis.
 Nam si Te meritis, annis, virtutibus ex Te,
 Artibus eximijq; Virum, producere fas est,
 Orbis in Augustam faciem. Tu sufficis vnaus.
 Cui vel Cecropius fasces committeret ordo.
 Omnia concessere Tibi, Charitesq; Deaq;
 Aonides; genio facili, cultuq; decoro.
 Ingenium felix, promptum, tractabile, lenes.
 Et placidos sensus, inter sublimia rerum,
 Concipiens, seruansq; modum, pennasq; perosum.
 Icarias, fortitus; eo de munere cæli
 Suaviter infuso, sic vti, Palladis inter
 Limina deductus poteras; vt acumine docto.
 Quamvis præstares; scrutata novacula fibras.
 Non fieres alijs, vel pugio Cæsaris ille,
 Qui grauis ipse sibi, nec muscam vivere secum.
 Pacificam voluit. Tibi mentis dulcia Tempe
 A teneris concessa, pari dulcedine morum.
 Ingenijq; pari bonitate, per ardua Phæbi
 Te comitante; lepos animi gratissimus inde.
 Ore serenato sic respondebat, vt esses
 Attica tota favis, Suadæ mellita difertis.
 Sic hilares Musæ, sic Castalis aurea tota
 Possedit mentem placidam, doteq; secutus.
 Eximias, plausus; cellos promisit honores
 Augur Apollo Tibi, dum magnis Cracidos aula
 Patribus arrisit studium, solidiq; labores.
 Vt Tibi Regales, inter fastigia Lechi
 Musarum patuere Lares; cultissimus ille
 Hic animus, magno quantum de flumine Divum
 Hauserat, ostendit; seu per Stagyraea locutus.
 Pulpita, seu tonitru Suadæ rotat ille Periclis,
 Par Sophus Oratorq; pares in culmine palmas.
 Gestat honorato. Pulcherrima bina corona,

Non aliam frontem præcinxit suavius, in qua
Exultaret honos, geminus Suadaq; Stoaq;
Majori titulo. Sed Tu prensâsse coronas
Pro meritis contentus eras, non casside plumas
Attollens, cristasq; leues, hederasq; vagantes:
Sed Iovis ex cerebro Natam, cûi sufficit, orbi
Ut sapiat, teneatq; modum, sensusq; modestos.
Quis tanti genij sensum, celebrare modestum
Sufficiet? teneras cûm Chiron doctus Achilles,
Sarmaticam pubem pretiosaq; Pignora Regni
Artibus ingenuis coluisti tempore longo.
Tu fueras Cratij Parnassi verus Apollo:
Teq; docente ferunt per amænum Cracidos hortum
Castalios vndâsse lacus; Lætata Sororum
Atria, Sicelides, Nymphæ, Driadesq; Napæ,
Te tangente chelym, Te Drammata pollice docto
Depromente, choris lætis Heliconæ mouebant.
Aonios vates fueras celeberrimus inter;
Cûm tamen aut Reges, magnos aut scribere Cives
Debueras, tacito fueras cognomine scriptor.
Carmina fecisti, verum tulit alter honores.
Mentibus inde placens excelsis, moxq; subintrans,
Pectora Magnatum, pretium nancisceris illud,
Quod sequitur magnos. Lechici dum sanguinis ingen
Delicium, Gemmas Patriæ, dulcemq; medullam,
Orbi Sarmatico Patrijsq; Curulibus aptans,
Iam videas Tyaris ornatos, atq; Senatus
Augusti magnos summâ virtute Catones.
Euolat in plausus, Tibi nunc RADIVILLIVS ALES,
Facibus atq; suis celso accendit Honores:
Ut vigiles valeat sic compensare labores.
SZEMBECIÆQVE ROSÆ Virtutum murice Sacro,
Dum fulgent, fragrantq; bono Pietatis odore;
Nonne Tibi sexcenta simul solatia causant?
LILIA quæ quondam docto celebrare Cothurno
Es solitus, magnam magno, cumulare favore;

Iustitiam

Iustitiam voluere Tuam, delubra sacerdos,
Astrea vt coleres, Assessor, namq; Quirinæ
Tu Themidos gnarus, Canones discendo sacratos
Pectore complexus, iustissimus Arbiter, æqui
Factus es, augusta dum Hospes in vrbe maneres
Tu Flos Aonidum, Craciæ Tu Gemma Minervæ,
Te colit Atlantem, summis Academia Sceptra
Immortale Decus cedit pretiumq; Togatæ
Virtuti ecce Tuæ! studijs, quam summa Laborum
Tædia sollicitis vincis nifuq; potenti,
Procuras commune bonum successibus amplis:
Anxius affida solummodo mente volutas,
Necnon fortis agis, non quod priuata coronet
Vota, sed eueniat fors omne publica fausto.
Eximias curas & marmora surda loquentur
Temporibus feris, sacras dum fanore largo
Basilicas Divis Altaria construis, ornas.
Gratatur Salomæa tuis conatibus inq;
Ade triumphali, pulchro vestita decore,
Tantum scelis faciet monumenta laborum.
Præfectus Phæbi laribus, sub pondere quanto
Curarum patiens, summoq; labore grauari
Non refugis, suetus vigiles perducere noctes.
Omnes in partes oculos Academicus Argus
Torques; Alcides nullo conamine victus
Sustentas sacre generosus pondera curæ
En moles crescit, surgunt Sacraria Divum?
Magnis ecce Tuis, quæ nunc conatibus auges.
ANNA DEI MATRIS MATER Divusq; IOANNES
Augustale nouum, quæis sollicitudine mirâ
Ædificas: studium Sanctum pensare perenni,
Tempore contendit, Cæli referentq; Coronam.
Diva Parens Regis summi Regina Polorum,
Urgebit natum precibus, longæuâq; vitæ
Tempora sidereis venient ab Arcibus ultro,
Vt valeas finire Tua hæc molimina felix.

Fama

Fama triumphalis nitidis per secula bigis
 Te vehet, immensos in fastis Gloria soles
 Durabit: Doctor Dignissime Nestora vinces.
 Quam pia virtutum nobis exempla dedisti!
 Dum sanctas Patrum vitas, miracula, mores.
 Ascetasq; pios Lechico sermone loquentes,
 Fecisti, vasto narrans volumine Divum
 Virtutes, durasq; vias, quæis itur ad astra.
 Sed quis tam validas Curas narrare valebit?
 Cum Novodvorfcianis Præses gratissimus, Hortis,
 Pubentes animos colis & virtutibus ornas.
 Porrigis ut vultum Phæbæum, fronte serenâ
 Protinus exhilaras mentes animosq; Iuventæ.
 Igniculis sacris pectus succendis eburnum,
 Ad studium semper teneros animando Quirites.
 Sed iam Musa tacet, dum Iupiter ipse Polonus.
 Sub Clypeo servat magnisq; favoribus auget.
 Porro cum Lechici Nomen celebrare Tonantis,
 Non cessas, cumulas meritum Nobisq; Tibiq;
 Ergo triumphales Musæ succendite faces,
 Maiestate novâ tantum venerarier omnes
 Contendant: resonet millenis plausibus almus.
 Craciadum Pindus cunctorum vota secundis
 Plausibus Io canant RECTORI; Gaudia mille
 MAGNIFICO gement, caris sua pectora donis.
 Nunc opulenta ferant, quæ tanti Principis vrget
 Magnus amor. Dives fulvas nunc fundat arenas.
 Hermus & Hesperio currens de clymate Tagus.
 Quod si magne Pater, Princeps Dignissime Noster,
 Hoc Tibi vile tui serum posuiq; Tributum,
 Ergo pro culpa, serum me scribe perennem.



Biblioteka Jagiellońska



stdr0012951

